

Broj: 09-11-4-707-12/26
Sarajevo, 13 -07- 2026

Na osnovu člana 64. stav (1) tačka b) i člana 70. stav (3) i stav (6) Zakona o javnim nabavkama („Službeni glasnik BiH“, broj 39/14, 59/22 i 50/24), a na prijedlog Komisije za javnu nabavku, imenovane Rješenjem, broj: 09-11-4-707-3/26 od 06.04.2026. godine, u otvorenom postupku javne nabavke roba - Traktori i priključci, federalni ministar raseljenih osoba i izbjeglica, **d o n o s i:**

O D L U K U O IZBORU NAJPOVOLJNIJEG PONUĐAČA

I

Prihvata se preporuka Komisije za javne nabavke, broj: 09-11-4-707-11/26 od 07.07.2026. godine, da se u cilju odabira najpovoljnijeg ponuđača u postupku javne nabavke roba – „Traktori i priključci“ – Nabavka, isporuka i puštanje u rad traktora i priključaka za potrebe povratnika, Okvirni sporazum sa jednim ponuđačem na period od dvije godine, dodijeli ponuđaču „ITC“ d.o.o. Zenica, sa registriranim sjedištem u Zmaja od Bosne bb, 72000 Zenica, BiH, ID: 4218146790003, sa najbolje ocijenjenom i prihvatljivom Ponudom, broj: 1100-1110-91 od 01.06.2026.godine, za ponudenu cijenu od 6.000.000,00 KM bez PDV-a.

II

Prijedlog Okvirnog sporazuma o nabavci dostavit će se na potpis izabranom ponuđaču ITC“ d.o.o. Zenica, ul. Zmaja od Bosne bb, po proteku roka od 15 dana, računajući od dana kada su svi ponuđači obaviješteni o rezultatima postupka.

III

Ponuđač kojem je dodijeljen Okvirni sporazum je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 dana. Rok od 5 dana teče od dana zaprimanja Odluke o izboru najpovoljnijeg ponuđača.

IV

Ova Odluka objavit će se na internet stranici Ugovornog organa (www.fmroi.gov.ba) istovremeno s upućivanjem obavještenja ponuđačima o rezultatima postupka, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).

V

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09-11-4-707/26 od 30.03.2026. godine, kojom je ugovorni organ odobrio provođenje otvorenog postupka javne nabavke roba – „Traktori i priključci“ – nabavka, isporuka i puštanje u rad traktora i priključaka za potrebe povratnika. Procijenjena vrijednost javne nabavke iznosila je 6.000.000,00 KM bez PDV-a, planirana Planom javnih nabavki Ministarstva za 2026. godinu, u dijelu I – Robe, pod rednim brojem 3. Kriterij za dodjelu ugovora je „najniža cijena“, u skladu sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24).

Obavještenje o nabavci broj 668-1-1-24-3-35/26 od 02.04.2026. godine objavljeno je na Portalu javnih nabavki, kao i u „Službenom glasniku BiH“ – Oglasnik javne nabavke, broj: 26/26 dana 10.04.2026. godine. Tokom postupka objavljene su i ispravke za obavještenje o nabavci, i to: Ispravka za obavještenja o nabavci broj: 668-1-1-24-8-42/26 od 12.05.2026. godine i Ispravka obavještenja o nabavci broj: 668-1-1-24-8-44/26 od 15.05.2026. godine, objavljeno u „Službenom glasniku BiH“ – Oglasnik javne nabavke: broj 34/26 od 15.05.2026. godine i broj 36/26 od 22.05.2026. godine.

Komisija za javnu nabavku imenovana je Rješenjem broj: 09-11-4-707-3/26 od 06.04.2026. godine. Nakon izvršenog pregleda i ocjene ponuda, Komisija je sačinila Zapisnik o pregledu i ocjeni ponuda, broj: 09-11-4-707-11/26 od 07.07.2026. godine u kojem je konstatovano da su u ostavljenom roku za dostavljanje ponuda blagovremeno zaprimljene dvije ponude:

- Grupa ponuđača „Jaffa - Komerc“ d.o.o. Mostar i Farmtrac Tractors Europe, Poljska, sa ukupnom cijenom ponude od 5.999.500,00 KM bez PDV-a;
- „ITC“ d.o.o. Zenica, sa ukupnom cijenom ponude od 6.000.000,00 KM bez PDV-a.

Komisija je utvrdila da nije bilo neblagovremeno pristiglih ponuda i da dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa, te je u skladu sa članom 63. Zakona o javnim nabavkama („Službeni glasnik BiH“, broj: 39/14, 59/22 i 50/24), izvršila pregled i ocjenu blagovremeno dostavljenih ponuda u pogledu ispunjavanja kvalifikacionih uslova, formalno-pravne ispravnosti i tehničkih zahtjeva propisanih tenderskom dokumentacijom.

U postupku pregleda i ocjene ponuda Komisija je utvrdila da ponuda Grupe ponuđača „Jaffa - Komerc“ d.o.o. Mostar i Farmtrac Tractors Europe, Poljska ne ispunjava uslove za kvalifikaciju propisane tenderskom dokumentacijom i Zakonom o javnim nabavkama, zbog čega je ocijenjena kao neprihvatljiva.

Pregledom ponude Grupe ponuđača „Jaffa – Komerc“ d.o.o. Mostar i Farmtrac Tractors Europe, Poljska broj: 19/26, zaprimljene kod Ugovornog organa pod brojem: 09-11-4-707-7/26, Komisija je utvrdila da jedna od dostavljenih Izjava o ispunjenosti uslova iz člana 47. Zakona o javnim nabavkama (Aneks 8 tenderske dokumentacije), koja se odnosi na člana grupe ponuđača Farmtrac Tractors Europe, Poljska, nije dostavljena u skladu sa zahtjevima tenderske dokumentacije.

Naime, tačkom 7.3.2. tenderske dokumentacije propisano je: *„U svhu ispunjavanja uslova iz tačke 7.3.1. ponuđači su dužni u ponudi dostaviti Izjavu o ispunjenosti uslova iz člana 47. Zakona, ovjerenu i potpisanu od strane ponuđača u formi utvrđenoj u Aneksu 8 ove tenderske dokumentacije“.*

Shodno prednjem, Grupa ponuđača „Jaffa - Komerc“ d.o.o. Mostar i Farmtrac Tractors Europe, Poljska su u sklopu svoje ponude dostavili dvije Izjave o ispunjenosti uslova iz člana 47. Zakona o javnim nabavkama, u formi utvrđenoj u Aneksu 8 tenderske dokumentacije. Jedna Izjava je potpisana i ovjerena od strane predstavnika grupe ponuđača „Jaffa – Komerc“ d.o.o. Mostar dana 25.05.2026. godine, dok je druga Izjava koja je dostavljena u ime člana grupe ponuđača Farmtrac Tractors Europe, Poljska, samo potpisana od strane predstavnika grupe ponuđača Nedima Badžaka po punomoći od 30.04.2026. godine, izdatoj od strane Farmtrac Tractors Europe, Poljska, ali ista nije ovjerena (strana 56 ponude).

Budući da dostavljena izjava nije ovjerena niti od strane nosioca grupe „Jaffa - Komerc“ d.o.o. Mostar, niti od strane Farmtrac Tractors Europe, Poljska, ponuđač nije postupio u skladu sa zahtjevima tenderske dokumentacije, zbog čega je ovakva ponuda nepravilna u skladu sa članom 2. stav (1) tačka I) podtačka 3) Zakona o javnim nabavkama („Službeni glasnik BiH“, broj: 39/14, 59/22 i 50/24).

Nadalje tačkom 7.3.1. pod a) tenderske dokumentacije propisano je: *„da glavni transakcijski račun ponuđača nije bio blokiran u posljednjih 6 (šest) mjeseci od datuma objave zadnje ispravke Obavještenja o nabavci (15.05.2026. g.) na Portalu e-Nabavke“, dok je tačkom 7.3.2. pod a) tenderske dokumentacije, propisano: „Potvrdu poslovne banke o solventnosti ponuđača kod kojeg ima otvoren glavni račun, tj. da je u zadnjih 6 (šest) mjeseci, finansijski račun nije bio blokiran (računa se od dana objave zadnje ispravke Obavještenja o nabavci)“.* Shodno prednjem, ponuđači su trebali dokazati da njihov glavni transakcijski račun nije bio blokiran u posljednjih šest (6) mjeseci do dana objave posljednje ispravke Obavještenja o nabavci na Portalu e-Nabavke, odnosno do 15.05.2026. godine, a potvrda o solventnosti predstavljala je dokaz o ispunjavanju navedenog kvalifikacionog uslova.

Međutim, Grupa ponuđača „Jaffa - Komerc“ d.o.o. Mostar i Farmtrac Tractors Europe, Poljska, tačnije predstavnik grupe ponuđača „Jaffa - Komerc“ d.o.o. Mostar je dostavio potvrdu Privredne Banke Sarajevo, broj: 50-02-123/26 koja je izdata na dan 21.04.2026. godine (strana 57 ponude), koja ne obuhvata period od 21.04.2026. godine do 15.05.2026. godine, odnosno ne dokazuje da glavni transakcijski račun nije bio blokiran tokom cjelokupnog perioda propisanog tenderskom dokumentacijom. Slijedom navedenog, Komisija je konstatovala da Grupa ponuđača nije dokazala ispunjavanje kvalifikacionog uslova koji se odnose na ekonomsku i finansijsku sposobnost iz člana 47. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24). Imajući u vidu da Grupa ponuđača nije dokazala ispunjavanje kvalifikacionih uslova propisanih tačkom 7.3.1. i 7.3.2. pod a) tenderske dokumentacije, a u skladu sa članom 47. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Komisija je utvrdila da je ponuda Grupe ponuđača „Jaffa - Komerc“ d.o.o. Mostar i Farmtrac Tractors Europe, Poljska, neprihvatljiva u smislu člana 2. stav (1) tačka I) podtačka (2) Zakona o javnim nabavkama („Službeni glasnik BiH“, br. 39/14, 59/22 i 50/24), te da ista ne ispunjava kriterijume za kvalifikaciju privrednog subjekta, zbog čega se odbacuje u skladu sa članom 68. stav (4) tačka i) istog Zakona

Pregledom i ocjenom ponude ponuđača „ITC“ d.o.o. Zenica Komisija je utvrdila da ponuđač ispunjava sve uslove za kvalifikaciju propisane tenderskom dokumentacijom, da su dostavljeni svi dokazi zahtijevani Zakonom i tenderskom dokumentacijom, te da ponuda u potpunosti ispunjava tehničke i druge zahtjeve ugovornog organa, zbog čega je ocijenjena kao prihvatljiva.

S obzirom da je nakon pregleda i ocjene ponuda ostala samo jedna prihvatljiva ponuda, nisu bili ispunjeni uslovi za provođenje e-aukcije, u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23).

Komisija je, primjenjujući kriterij „najniže cijene“, predložila da se o kvirni sporazum za predmetnu javnu nabavku dodijeli ponuđaču:

PODACI O NAJPOVOLJNIJEM PONUĐAČU		
1	Naziv ponuđača	„ITC“ d.o.o. Zenica
2	Adresa	Zmaja od Bosne bb
3	Ukupna cijena ponude bez PDV-a	6.000.000,00
4	Ukupna cijena ponude sa PDV-om	7.020.000,00

Ugovorni organ je razmotrio Zapisnik o pregledu i ocjeni ponuda i prijedlog Komisije, te utvrdio da je postupak pregleda i ocjene ponuda proveden u skladu sa odredbama Zakona o javnim nabavkama („Službeni glasnik BiH“, br. 39/14, 59/22 i 50/24), podzakonskim aktima, internim aktima ministarstva i tenderskom dokumentacijom.

Kako je ponuda ponuđača „ITC“ d.o.o. Zenica jedina prihvatljiva ponuda i ispunjava sve uslove propisane tenderskom dokumentacijom, a prijedlog Komisije zasnovan je na pravilno utvrđenom činjeničnom stanju i pravilnoj primjeni materijalnog prava, ugovorni organ je, primjenom člana 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), a u vezi sa članom 70. stav (3) i stav (6) Zakona o javnim nabavkama („Službeni glasnik BiH“, br. 39/14, 59/22 i 50/24), odlučio kao u dispozitivu ove odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Dostaviti:

1. Svim učesnicima u postupku
2. Dokumentacija Komisije
3. Sektor za razvojne projekte održivosti povratka
4. Služba za pravne, personalne i poslove javnih nabavki
5. a/a